

宋

會

要

宋會要學士

職官和九學士待制文明殿學士觀文殿大學士學士
樞密直學士資政殿大學士學士端明殿學士保和殿
大學士學士初名宣和龍圖閣學士直學士待制直閣
大章閣學士直學士待制待講直閣寶文閣學士直學
士待制直閣顯謨閣學士直學士待制直閣徽猷閣學
士直學士待制直閣敷文閣學士直學士待制直閣修
撰集賢殿右文殿集賢學士附學士待制兩朝國史志
殿學士觀文殿大學士學士資政殿大學士學士端明
殿大學士學士資望極峻無吏守無典掌惟出入侍從
備顧問而已觀文殿大學士非曾為宰相不除觀文殿

學士資政殿大學士及學士並以寵輔臣之去位者端
明殿學士惟學士久次者始除端明殿學士 明道二
年置觀文殿學士初為文明殿學士 慶曆七年以文
明同真宗謚改為紫宸殿學士御史何郅以紫宸不可
以為官稱八年遂改延恩殿為觀文殿即殿名置學士
皇祐元年置大學士龍圖閣學士直學士待制天章
閣學士直學士待制侍講學士直學士待制皆為從官
而直閣以待文學高選侍講以講解經術為職又有崇
政殿說書以士人秩卑資淺而學問可以備講說者充
龍圖閣藏太宗御集天章閣藏真宗御集以內侍四人
為勾當官掌典籍國書珍寶符瑞之物典書五人楷書

二人裝裁匠一人自直龍圖閣以上皆先朝所制天章閣學士直學士並慶曆七年置侍制天聖八年制侍講景祐四年置從政殿說書景祐元年置神宗正史職官志觀文殿大學士從二品觀文殿學士資政殿大學士資政殿學士端明殿學士樞密直學士龍圖天章寶文閣學士並正三品龍圖天章寶文閣直學士從三品龍圖天章寶文閣待制從四品掌侍從備顧問有所獻納則請對或奏封自資政殿大學士以上非有勲績及曾任執政官弗除其觀文殿學士惟罷宰相者為之舊制昭文史館集賢皆置大學士凡命相以次遷授而樞密直學士隸樞密院遇朝得升殿侍立及行官制宰相正

名不領他職。樞密院惟都副承旨為屬。若非領省臺寺監職事及任外官，即視其資格，以除龍圖、天章、寶文閣、匱官四人，以入內侍充掌藏。祖宗文章圖籍及符瑞寶玩之物，而安豫設以崇奉之。宗正所進進屬籍世譜，則歸於閣。大禮則陳瑞物，元日生辰契丹國賀使至，則受其禮幣。設吏六哲，宗職官制同。神宗元豐三年三月二十五日，樞密直學士僉書樞密院事曹孝寬為端明殿學士，知河陽。端明殿學士，明道二年復置。以處宋綬訖元豐，無前執政為之者。孝寬先以樞密直學士僉書樞密院事，遭喪在位喪滿，乃授此職。七年七月十七日，尚書左丞王安禮為端明殿學士，知江寧府。僉書樞

睿院事為端明殿學士自曾孝寬始執政為之自安禮
始徽宗元符三年未從元十月三日輔臣奏永興軍閩
守上命除翰林學士承旨蔡京韓忠彥曰京雖嘗除兩
學士緣河東與長安不同兼京罪狀已露欲只與端明
上曰善曾布曰京之出天下所同欲今聖意如此幸甚
上云朕初不主之近日陳瓘有言因得其交通近習之
狀是日詔京為端明殿學士知永興軍政和四年八月
三日詔改端明殿學士為延康殿學士恩數品秩並依
舊十月二十四日樞密院言河北西路提舉保甲司路
逐到保義郎陳賢文堪充洺州雞澤曲周縣巡檢在都
省劄子新差樞發遣隆德府王寔奏臣伏聞陛下特以

延康述古二祕殿易學士名以寵賜近日然四方之人多有以此自名而名物者臣願悉詔改之廼所以尊禁殿別官名詔陳賈文改名賈如有似此之類並嘗令易哲宗元祐四年十一月十三日翰林學士知制誥蘇轍奏神宗皇帝御製集凡著錄九百三十五篇為九十卷目錄五卷內四十卷皆賜中書密院及邊臣手札言攻守祕計先被首錄為別集不許頒行仍製集序一篇以紀盛德發明大訓臣竊見祖宗御書皆於西清建重屋號龍圖天章寶文閣以藏其書為不朽計又刻板模印遍賜貴近欲乞降付三省以故事施行詔御集於寶文閣收藏一徽宗政和六年九月十七日詔增置寶文

閣顯橫閣學士直學士待制直閣 哲宗元符元年二
月十八日知樞密院事曾布言恭惟神宗皇帝聖學高
明出於天縱中外之議謂宜卜日相地建延閣為一代
圖書之府又權發遣提舉河東路常平等事鄧洵仁言
伏見祖宗朝置龍圖天章寶文閣以藏列聖御製述作
况自陛下紹隆丕烈適明先志而寶宇未新徽名未揭
伏望明詔有司祇循舊章亟加營建詔令翰林學士中
書舍人每員撰閣名五以聞四月十八日詔建閣藏神
宗皇帝御集以顯謨為名 徽宗建中靖國元年二月
九日詔曰朕奉先思孝恭己承祧紹累聖之丕基揚烈
考之光訓神宗皇帝神心經緯聖學緝熙百度惟新備

矣有周之庶事四方其訓勗乎堯帝之成功言則為文
昭如雲漢寶之垂世炳若丹青仙馭升遐泰陵繼序乃
眷祖宗之舊悉藏金玉之編遂在西清並崇華宇爰咨
邇列俾訪遺文鈿軸未終雲軒忽遠肆冲人之慕紹惟
往憲之欽承用獨嘉名仍延俊望詒謀有永豈徒琬琰
之並陳與天無窮是惟奎壁之相照宜以顯謨閣為熙
明閣仍置學士直學士待制後顯謨舊名年月檢未得
崇寧元年十一月十七日詔顯謨閣學士直學士待制
如三閣故事十二月六日詔顯謨閣學士直學士待制
序位在寶文閣學士直學士待制之下三年六月一日
詔曰朕惟神考以道御時獨追唐虞三代之隆振起於

千載流弊之後制法更治曠古無前其肆筆成書與六
經相表裏再詔纂集殆無逸遺總九千八百餘篇皆文
辭政事邊機之要蔽于禁閣揭以顯謨所以丕昭聖作
也大臣之於君相須一体志同道合乃能成功其名位
之崇當繪於原廟者既已率循彝憲矣仰瞻賈宇惻然
興懷惟時功臣宜列於此非特若麒麟雲臺凌烟思著
其美而已蓋典章號令待人而行于以著其感會之榮
奏承之績永為天下後世臣子之勸其熙寧元豐功臣
圖形于顯謨閣 政和六年九月十七日詔增置顯謨
閣

宋會要

文以殿學士

後唐明宗置端明殿學士二員立翰林學士之上專被
顧問太平興國五年泐殿名而改此職益重矣觀文殿
大學士殿即舊日延恩殿也慶曆七年以文明殿學
士稱呼同真宗謚號乃改名為紫宸殿以冠學士之職
又以紫宸殿非人臣所稱呼乃以延恩殿更名觀文殿
置學士皇祐初又置學士皇祐太宗太平興國五年正
月以禮部侍郎程用充文明殿學士序立於樞密副使
之下先是後唐明宗不知書四方章奏令樞密副使讀
之安重誨多不曉文議宰相孔循獻議置端明殿學士
二員序立在翰林學士之上專備顧問以翰林學士馮

道趙鳳為之累朝因而不改至是因殿名改為文明殿
學士即端明殿之任也國初立位在翰林學士之下至
是始改焉仁宗慶曆七年八月參知政事宋庠言文明
殿學士稱呼正同真宗諡號雖久不除授然班儀品並
見存兼禁中無此殿額其學士禮理自當罷乞擇見今正
朝或祕殿少名學士易之乃詔朕祇率先猷參建近職
招選髦碩詰詢話言惟時正寢之名冠於學士之職題
榜戴易班聯久虛然存定著於禁廷同尊諡於禩廟乃
眷紫宸之制實法經星之躔爰重內朝用更新號其改
文明殿為紫宸殿學八年五月詔乃者因禩宮之尊諡
涉朝寢之故名爰官曹並從改避載念紫宸之制實當

上國之崇雖補舊員未安禁職惟延思之寶構乃集瑞
之祕庭福况所開深嚴莫二雖仙遊之已遠顧初制之
未移宜即清閑用資延訪矧先聖齋心之地寶冲人覽
古之懷仰席盛猷載新華榜仍建崇儒之秩且為脩問
之榮宜以舊延殿為觀文殿兼改紫宸殿學士為觀文
殿學士班次依舊制初以文明殿學士犯真宗諡改為
紫宸殿學士以下度為之御史何列以為不可為官稱
而請易之皇祐元年六月十八日詔名器參設或有等
威庶陛相承宜差體分將崇明于官制在著定於朝章
朕獲續丕平深惟寡昧懼夫明不能燭仁有未綏緬念
前王敷求至治莫不親近有德尊禮老成慝行考言敷

經歸道比因聽決之暇中常修歡講之方召集諸儒辯論
經籍所延恩之別殿觀前載之祕文榜以嘉名置諸禁
職且為訪道之所以延稽古之臣猶慮哲艾之姿嘗居
台宰之任或因均逸姑務親仁備經術之諮詢廣政機
之延訪宜伸異數用厚常均式昭體貌之殊顯允股肱
之重特置觀文殿大學士寵待舊相今後須是曾任宰
臣乃得除授班列俸給臨時取旨時賈昌朝由使相除
右僕射觀文殿大學士寵待舊相省觀文殿置大學士
自昌朝始三年五月閣門言請觀文殿大學士起居儀
式詔令在觀文殿學士之前別作一行立位其閣門儀
制合班儀內高下相壓并名位觀文殿學士大在六部尚

書之上

全唐文

采會要 徽猷閣學士直學士

徽猷閣學士直學士侍制直閣徽宗大觀二年二月十
三日詔曰朕惟哲宗皇帝英文眷武沉潛無方事天治
人彰善癉惡訓迪在位攘却四夷號令指麾若揭日月
蓋自親覽庶政一話一言罔不儀式刑神考之典故緝
熙紹復著在簡編興熙寧元豐之所行相為始終比命
有司載加哀輯成書奉上本末粲然誠可傳無窮施罔
極矣若昔祖宗述作皆有藏寶之所參列廣內揭為嘉
呂世擇儒臣以資訪納今將祇率成憲匹休前烈則夫
各以出信不可無所考也在詩有之君子有徽猷其哲

并入端明

宋皇帝御書建閣以徽猷為名仍置學士直學士待制
政和六年九月十七日詔增置直徽猷閣宣和三年五
月六日詔西班學士待制員多令中書省具名取旨欽
宗靖康元年八月十九日詔徽猷閣直學士楊時學行
醇固諫諍有聲請除閑職累具懇辭宜從其志以屬廉
退可改除徽猷閣待制

宋會要 延康殿學士

高宗建炎二年二月十三日都省言延康殿學士祖宗
朝舊係端明殿學士述古殿直學士舊係樞密直學士
詔並依舊 大典卷一萬三千四百二十三

宋會要 保和殿學士

保和殿大學士學士

初名宣和

徽宗政和五年四月二十四

日御筆宣和殿初建自紹聖中經毀廢其燕閒未始不居於此近置直殿以左右近侍官典領吾士大夫未有以處之宜置新班以彰榮近可置宣和殿學士班在延康殿之下以兩制充聽旨除授凡厥恩數並依延康殿學士體例施行六年四月二十四日詔宣和殿學士立班叙位在翰林學士之下諸殿學士之上七年六月二日宣和殿學士朝議大夫秦攸為宣和殿大學士官叙班恩數請給人數等並依資政殿大學士例施行宣和元年二月一日御筆宣和殿名碑已據紀元號所有見行帶領宣和殿職事易以保和殿為名應于班綴

叙位雜壓息數等並仍舊

宋會要

天章閣學士直學士

神宗元豐四年十一月二十七日中書言錄事孟述古編排諸房文字得英宗藩邸轉官文字六件詔送天章閣徽宗政和六年九月十七日詔增置天章閣宣和四年四月二十二日御筆天章閣宗奉祖宗神御應本閣諸色祇應人除依令許本閣官時暫抽差外如承諸處抽差及傳宣內降不許執奏占留指揮並不發遣更不回報天章閣在會慶殿西龍圖閣之北藏真宗御製閣東曰羣玉殿西曰藥珠殿北曰壽昌殿東曰嘉德殿西曰延康殿內以桃花文石為流極之所學士直學

士待制侍講

避直侍講于避英廷義二
刺閣在崇政殿庭無下

真宗天禧五

年二月修天章閣功畢令兩街僧道具威儀教坊作樂

奉真宗御集御書自玉清照應宮安于天章閣四月召

近臣陪閣三司京府官觀御書御集于閣下遂宴于學

玉殿時輔臣集御製三百卷凡頌銘碑文十八卷贊八

卷詩三十七卷賜中宮歌詩手書七卷賜皇太子歌詩

歲述五卷龍圖閣歌詩四卷西涼殿歌詩一卷清景書

事詩二卷宜聖殿四園歌詩三卷經讀史詩四卷雜賦

集三卷奉道詩十卷歲時新詠五卷歌十五卷詞四卷

樂章一卷樂府集三卷樂府新詞二卷論述十卷序八

卷歲七條各一卷記文三卷祭文挽歌詞一卷書十卷

正說十卷承華要畧二十卷靜居集三卷法音集七卷
玉宸集五卷春秋要言五卷試進士題目一卷密表密
詞六十九卷又有玉京集三十卷授時要錄二十四卷
又取至道元年四月詔大中祥符歲中書樞密院時政
記史館日曆起居注善美之事錄為聖政記凡一百五
十卷並命工鏤板人以御書石本為九十編命中使岑
守素等主其事至是功畢馬仁宗天聖八年十月詔曰
真宗皇帝焯赫景炎丕隆寶構凡資禮樂之用稽成辰
象之文俯近禁楹創崇層構榜以天章之美冠於策府
之名宜達官聯並寘材彥可特置天章閣待制尋命范
諷鞠詠充職 景祐三年三月詔以崇政殿說書賈昌

朝趙希言王宗道並為天章閣侍講比直龍圖閣預內
殿居班在本宮上 康定元年六月詔天章閣侍講偕
王府宮教授自全罷兼國子監直講 慶曆四年三月
以尚書金部員外郎天章閣侍講楊安國直龍圖閣賜
三品服宗政丞崇文院檢討宗政殿說書趙師民為天
章閣侍講賜五品服初仁宗皇帝謂輔臣曰安國師民
久侍經筵其行義淳質乃先朝崔遵度之比因以褒擢
之 七年八月詔曰欽惟聖考濬發宸文百篇森布於
寶函三襲筆興於華閣肆於纂紹之始務闡師儒之隆
遂延講勸之臣欽佇論思之益掩玉府藏書之盛處金
門待詔之材宜廣侍從之員抑亦副適追之志特置天

章閣學士在龍圖閣學士直學士之下 皇祐三年八月十二日知制誥兼侍講王洙言景祐中詔置天章閣侍講在本官之上內朝班著與直龍圖閣相次其職儀恩例並與帶職官同臣昨與盧士宗並充天章閣侍講日臣以兼直龍圖閣即得與館閣臣僚同例其盧士宗唯赴講筵供職外其餘三九園苑賜筵及非時宣召頒賜並不需預只同不帶職人例此蓋有司從初失於申明恐非朝廷優待經術之意乞自今天章閣侍講官如不兼帶館閣職名者並許依直龍圖閣例赴祕閣供職宿直所異設官典職事體一均詔天章閣侍講並依館閣臣僚例宣詔頒賜

宋會要

龍圖閣學士直學士

龍圖閣在會慶殿西偏北連禁中閣東曰資政殿西曰
述古殿閣上藏太宗御製御書及典籍圖畫寶瑞之物
內侍三人掌之太宗御製御書及集總五千一百一十
五卷軸冊又有御書紙扇數十其下列六閣經典閣三
千三百四十一卷史傳閣七千二百五十八卷子書閣
八千四百八十九卷文集閣七千一百八卷天文閣二
千五百六十一卷圖書總七百三軸卷冊瑞總閣奇瑞
二十三瑞木十六眾瑞百一十三雜寶百九十五 學
士直學士待制直閣直學士以下並寓直於祕閣每五
日一員遞宿今直閣與館職輪宿 真宗咸平四年十

一月真宗御龍圖閣召近臣觀太宗御書及古今名畫自是多召近臣觀書是閣嘗詔近臣曰先帝留意詞翰朕孜孜綴緝片幅寸紙不敢失墜因念古今圖籍多所散逸購求甚難在東宮時惟以聚書為急多方購求亦甚有所得王繼英備見其事今已頗成正本除三館祕閣所藏外又於後苑及龍圖閣並留正本及各三萬餘卷朕以深資政理莫如術經故機務之暇惟以觀書為樂焉大中祥符二年十一月中又嘗召資政殿大學士向敏中洵龍圖閣學士直學士待制及編集君臣事迹官陳送易劉筠對命坐帝曰從易輩屢進文字可令賦瑞雪歌祀汾陰詩皆却席援筆成篇既進帝尤稱高美

贈並賜緋魚。景德元年十月，以虞部郎中直祕閣杜鎬為都官郎中、太常丞、祕閣校理，成綸右正言，並依舊充職。充龍圖閣待制。二年四月，御製龍圖閣贊，賜近臣。帝曰：龍圖閣書屢經學校，最為精詳。已復傳寫一本，置後苑太清樓。朕自居藩邸，以至臨御，凡亡缺之書，購求備至。每於歲書之家，借本必令置箱，悉無隱焉。國學館閣，終便給還，靡有損失。故奇書祕籍，悉無隱焉。國學館閣，終史未有印板者。悉令刊刻，或言三國志乃姦雄角立之事，不當摹印。朕以為君臣善惡，足為鑒戒。至於仲尼春秋，亦列國之事也。四年八月，以司封郎中直祕閣龍圖閣待制杜鎬為右諫議大夫、龍圖閣學士。因詔直學

士班樞密直學士之下仍少退待制在知制誥之下並
赴內殿起居 大中祥符二年正月以龍圖閣待制戶
部郎中直昭文館咸綸工部郎中直史館陳彭年兼充
集賢殿修撰先是綸暨彭年尚帶館職至是既升班序
又不欲罷其兼職故有是命 三月鑄龍圖閣印文曰
龍圖閣御書記 三年七月以龍圖閣直學士杜錫為
本閣學士班在樞密直學士之上俸給如之 四年八
月管勾龍圖閣殿頭譚元吉請以御製歲本閣帝曰朕
以制禮事神勉於紀述何足以垂訓宰臣等懇請帝諫
然不答 六年九月詔龍圖閣學士直學士結銜在本
官之上初杜錫陳彭年之為是職也職在官下至是陳

堯咨上言故更之 九年十月以大理評事崇文院檢
討為元為太子中允直龍圖閣賜金紫令領內殿起居
班在本官之首 慶曆八年三月仁宗幸龍圖閣天章
閣召宰相洎侍臣宗室觀太宗游藝集三朝瑞物真宗
幸澶州詩碑因出手詔訪求天下得失羣臣歸而上之
一時以為盛事也 嘉祐七年十二月又幸召執政近
戶三司副使洎臺諫官皇子宗室關馬都尉管軍親三
聖御書 高宗紹興二十一年三月二十七日右宣教
郎新授直天章閣提點佑神觀秦堪狀近蒙恩除前件
職欲乞敷奏依寄理體例以直寶文閣繫銜庶於稱
呼安便詔改除直龍圖閣 大典卷一為三千四百二十三

宋會要 教文閣學士直學士

教文閣學士直學士待制直閣舊制龍圖天章寶文顯
謨徽猷皆建閣紹興十年以徽宗皇帝御集成詔特建
閣以教文為名置學士以下官在徽猷閣之下高宗紹
興十年五月十一日內降詔曰恭惟徽宗皇帝躬天縱
之睿資輔以日就之聖學因而制治修禮樂恢學校發
揮典墳稽熙治具宸章奎畫發為號令著在簡編若煥
乎若三良之文麗天垂光賁飾羣物所以貽謀立教作
為萬世治與詩書相表裏將加輯憲崇建層閣以嚴寶
藏用傳示於永久其閣恭以教文為名祇遵舊章宜置
學士直學士待制直閣以次列職備西清之咨訪為儒

學之華麗其著于今先是紹興初詔修徽宗皇帝實錄
至十年檢討官朱翌以徽宗聖製來上者時見一二缺
而不錄則史官之罪也頸詔天下廣行搜訪命史臣編
類成秩徵五閣之制藏于無窮其後史部郎官周執羔
又言徽宗皇帝在位二十有六年凡所以攝張治具黼
藻太平者靡不具舉筆所書作為聖經述為義訓詠歌
記序詔令批卷奮手鸞龍之文凡所以揮灑宸翰者不
知其幾今御府之笈固有致者頃年特頒用詔訪於四
方所加裒集閱而藏之條目闕逸尚多願詔有司廣行
搜訪並從其請至是學士院士擬撰閣名來上故降詔
為二十四年實錄院編類御集成凡詩百九十有五宮

詞二百賦一序十二記十碑四策題九文七樂章三祝
詞二十七雜文十五毛詩解九論語解二道德經解八
南華真經解八冲虛至德真經解十二聖濟經十全蘇
科儀二政事手劄千五百五十邊機手劄二百四十四
通為一百卷至二十八年人以實錄成書凡一百五十
卷又二十九年史院以纂修到永祐陵迎奉錄成皆進
御畢並藏于秘閣

宋會要

觀文殿學士

神宗熙寧四年九月十八日更部侍郎知鄧州韓絳為
觀文殿學士觀文殿大學士皇祐元年置以授賈昌朝
自是嘗任宰相者出必為大學士絳自宣撫陝西河東
得罪罷守本官是歲用明堂故授觀文殿學士宰相不
為大學士自絳始七年四月十九日禮部侍郎平章事
監修國史王安石罷為吏部尚書觀文殿大學士知江
寧府仍詔出入如二府儀大朝會殿中書門下班自是
遂為故事五月三日知熙州資政殿學士左諫議大夫
王韶為觀文殿學士禮部侍郎仍魚端明殿龍圖閣學
士上以韶收復熙河工故雖未歷二府特旌寵之元豐

三年九月十六日知河南府翰林侍讀學士給事中王
陶為正議大夫觀文殿學士陶東宮舊臣出於異恩

宋會要

寶文閣

寶文閣在天章閣東西序群玉藻珠之殿次北即寶文
閣舊曰壽昌慶歷初改今名學士直學士自學士以下

恩數亦直五如龍圖天章閣嘉祐八年英宗即位未改

元八月十二日詔以仁宗御書藏寶文閣命翰林學士
王珪撰記立石治平四年神宗即位未改元五月二十
八日詔曰昔我藝祖神武不殺誕昌寶祚太宗修文德
以光大業真宗崇儒術以承休命仁宗善繼謨烈化成
治定咸有述作煥乎簡編河漢昭回奎壁相照通規層

構邃在兩清憲上帝歲書之府章累朝稽古之盛並揭
嘉名以登俊望俾服凝嚴之職因為咨訪之地誠聖哲
之遠業熙洽之高致也仁祖升遐先皇纂御首命近列
論次遺文鈿鈿寶函未編錄白雲紫氣遠送工賓今告
畢功甫將安奉大訓九歌之重垂世共長廣內祕室之
藏貽謀無極祇循故事適成先志寶文閣宜置學士直
學士待制著于令六月十一日詔寶文閣學士中謝支
賜並依龍圖閣學士直學士例宋史英宗御書附于寶
文閣學士治平四年初置以呂公著兼直學士治平四
年初置以郭必為之待制治平四年初置元祐官品令
學士正三品直學士從三品

宋會要 樞密直學士

樞密直學士與文明殿學士並掌侍從備顧問應對崇德殿受朝則陞以侍立日會於樞密院廳事在宣徽院真宗大中祥符五年八月詔曰宥密之地出處深深嚴論思之臣踐揚清要雖素由於謹簡尚未立於定員矧侍從材難軒墀望峻在選賢之攸重宜著位之有常樞密直學士自今以六員為梁置宗政判官又改直崇政殿後唐同光中置樞密直學士一人國朝無定員班次翰林學士是歲工部侍郎薛映知并州得對自陳援張詠張柬例得預近職真宗以員數問宰臣王旦旦曰近朝止置兩員今已九員帝曰映且授此職自此帝嘗為

定例也。限徽宗政和四年八月三日詔改樞密直學士
為述古殿直學士恩數呂秩並依舊。十月二十四日
以樞密院言四方之人有以延康述古寶文等名目而
名物者詔悉改之。

宋會要

資政殿學士

資政殿大學士學士殿在龍圖閣之東序真宗景德二
年四月以叅知政事王欽若為資政殿學士在翰林學
士之下侍讀學士之上餘依學士例先是欽若再表求
罷政繼以面請故特置是職以寵之五月欽若赴職宴
近臣於祕閣賜欽若七言詩令屬和自是令寓直於祕
閣十月以王欽若為資政殿大學士班在文明殿學士
之下翰林學士承旨之上赴上日賜會於祕閣近臣畢
集翌日又會館閣群臣於祕閣欽若以自求罷免耻在
翰林學士之下真宗為除大學士以優之大中祥符三
年七月以尚書右丞兼祕書監尚敏中為工部尚書充

資政殿大學士待制預馬真宗作五言六韻詩一首賜
之天禧四年十月以太子太保王欽若為資政殿大學
士仍令日赴資善堂侍皇太子講誦十二月以資政殿
大學士太子太保王欽若為司空職如故欽若先奉詔
侍東宮講誦至是以輔臣魚領三少品序非便表求換
秩乃有是命仁宗康定二年十月二十二日右正言梁
適言資政殿大學士之職比來除授太濫請遵先朝故
事定以員數詔自今大學士置兩員學士三員不得近
臣陳乞慶曆元年十二月詔資政殿大學士自今定置
兩員學士三員皇祐四年八月十七日新知汝州資政
殿學士吳育言以疾乞還落學士之職只守本官權領

西京留司御史臺憲宗曰聞吳育以力學損心以成此疾且育文行可以為人之師表方欲召歸請席以備顧問而忽有此請宜特從之又曰若止守本官則俸入差減可特授集賢院學士以就全給宰臣等對曰陛下知育之深待育之厚亦足以勵孤陋澆浮之輩天下聞之孰不改觀神宗元豐三年九月十六日知汝州端明殿學士魚翰林侍讀學士龍圖閣學士龍圖閣學士右諫議大夫韓維寶文閣學士右諫議大夫魚侍讀陳薦並為諫議大夫資政殿學士資政殿大學士及學士並以寵輔臣之去位者維薦皆東宮舊臣故特有此授二十七日詔嘗任翰林學士除資政殿學士以上更不別

魚學士欽宗靖康元年五月二日詔資政殿大學士中大夫提舉龍德宮王易簡為係東宮講讀官其請給人從恩數並依僉書樞密院例。高宗建炎三年二月四日呂頤浩除資政殿大學士充江浙置使兼知鎮江府先是黃潛善欲除頤浩資政殿學士上以資政非前執政恩數與從官等特除大學士四年五月十四日宰執進呈參知政事王綯乞退文字御批除資政殿學士提舉萬壽觀兼侍讀上曰王綯醇儒嘗為朕宮僚事朕終始如一焉章句罷不欲遠去故有此處宗尹曰故事已嘗任資政殿學士而除執政若不以罪去則必進職上乃令除大學士

全唐文

宋會要

東宮官

寄案大典
卷三萬二千
四百二十三引
四朝志三宗
朝東宮官
有左右諭
德建儲即
置否別朝
仁宗神宗
欽宗并儲
皆置二人

太師太傅太保少師少傅少保賓客詹事左右庶子中
允中舍諭德贊善洗馬家令率更令皆緣舊制除授而
無職司惟建儲闡即置三少賓客詹事庶子諭德中舍
舍人並他官兼充其左右春坊並鑄印置吏員及登位
即春坊司亦省去其勾當左右春坊太子宮都監祇候
之名以內臣充者亦省上國初會要朝國史志東宮官太子少保
太子少傅太子少保賓客詹事左庶子左諭德右庶子
右諭德舍人侍讀侍講國朝之制每儲闡之建隨宜置
官以備條宗然無定員亦不備設並以他官兼領凡非

並他官兼

能道置一

人惟除左不

除右永樂

大典卷二百

三十九又卷

六千一百三

三凡者

皆兩注

卷數

卷之三十一

法國朝會

國朝嘗所置者今皆不著焉仁宗升儲置三少各一人

賓客三人詹事二人左右庶子諭德舍人各一人以宰

相近臣兼充又以內臣為左右春坊謁者勾當左右春

坊太子宮都監祗候神宗升儲置太子詹事二人左右

庶子諭德舍人侍讀侍講各一人以內臣為管勾左右

春坊事左右春坊謁者皇太子宫祗候英宗及神宗為

皇子並置侍讀一人說書二人又以內臣為提舉并管

勾當焉英宗至道元年八月以左諫議大夫楊紱之兼

太子左庶子右諫議大夫畢士安兼右庶子並為開封

府判官以吏部侍郎兼秘書監李至為尚書左丞給

事中李沆為禮部侍郎並兼太子賓客見皇太子如師

大典卷二

百三十九

兵部上卷

林

大典卷二百

三十九又卷

六十一百三十九

大典卷二百

三十九

師傳之設兵部郎中喬維岳兼左諭德水部郎中楊礪
兼右諭德司封員外郎直昭之館夏侯喬兼中舍兼為
開封府推官壽王府內知客王繼英為左清道率府副
率兼左詹坊謁者謁者本內侍之職東宮無此名只有
太子通事舍人今繼英以士人為謁者之職天禧中亦
承此蓋有司之失也同列會要是月又以內殿直都知劉謙為西
頭供奉官充皇太子宫親衛都知親事官軍使王隱充
皇太子宫親衛指揮使各賜腰帶公服絹百疋銀二百
兩口真宗天禧二年九月以殿前散員左第一班都知
趙榮為西頭供奉官親衛都知皇太子宫祗候供奉官
郭承慶為左清道率府直夏元亨為右監門衛率

國初會要

卷三十三

三十三

府副率並兼春坊謁者。十月以樞密直學士右諫議大夫王曉為給事中。兼太子賓客。三年四月詔太子左庶

子張士逸寺每過皇太子隨駕出入許依內殿起居例

綴班。國初會要四年八月十一日以右諫議大夫兼太子左

庶子張士逸兼太子賓客充樞密直學士戶部員外郎

兼右諭德魯宗道直龍圖閣兼左諭德賜金紫太常丞

直龍圖閣馮元為左正言兼右諭德直閣如故。十三日

詔應兼東宮官僚並依內殿起居職位次序。十一月二

十一日參知政事任中正樞密副使錢惟演參知政事

王曾並兼太子賓客又以工部尚書兼太子賓客林特

兼太子賓客樞密直學士兼太子賓客張士逸兼太子

欽定四庫全書
真接夫注
寫不空
極

唐事翰林學士兼太子舍人晏殊為太子左庶子職位
並如故國史補政兼東宮官自中正等始也。十二月二十三
日以吏部尚書同中書門下平章事丁謂兼太子少師
樞密使吏部尚書同中書門下平章事馮拯兼少傅曹
利用兼少保宰臣兼東宮官自謂始也。哲宗正史職
官志太子太師太傅太保少師少傅少保賓客詹事少
詹事左右庶子諭德侍讀侍講中舍舍人左右衛司禦
清道監門內率府率副率為東宮官職。徽宗政和四
年三月十六日詔皇長子可以來春出閣立為皇太子
其建宮室設官屬與儀物制度宜令有司討論典故以
聞。五月二十七日皇太子表言自昔東宮建司設局

張官置之考其事實無毫末應東宮官吏乞不必具

備諸司庶局頗令兼攝從之詳見皇十四日以翰林學

士承旨強淵明翰林學士劉炳並為賓客中書舍人蔡

靖陳邦光並為詹事平秘書監李詩為左庶子兼侍講秘

書少監燕焯為左諭德焯舊名祀皇太子名改名太常少卿葛次

仲為右諭德國子司業曾懋殿中侍御史華寔並為舍

人知入內侍省楊震董懋提舉左右春坊事內侍楊

容機黎景年全淵張彥卿周珣王若冲王珂管勾左右

春坊事劉淵為家令皇甫僅為承學十五日皇太子上

表乞官僚以下不稱臣從之四月二十四日秘書監兼

太子左庶子李詩言皇太子讀史有不足知者置之勿

讀詔令東宮講讀官罷讀史專一導以經術

詳見皇太子門

九

月十九日太子家令劉淵龍以梁平代之。六年四月

九日劉炳除宣和殿學士提舉醴泉觀依舊帶東宮官

十三日以禮部尚書白時中刑部尚書慕容彥進並兼

太子賓客除給事中方曾尚書吏部侍郎劉煥並兼太

子詹事起居舍人賈安宅兼太子舍人內符寶郎馮揚

為家令。七年三月二十四日起居郎李彌大起居

舍人趙野並兼太子舍人同上四月二十一日以祕書少監

柯棐兼太子舍人同上二十五日以國子司業魏憲兼太子

舍人同上九月十七日皇太子上表言諸王府侍讀已改為

贊讀同上少小學以獨稱侍讀於義未安乞改正詔不允

。八年_{十一月}方_分罷以左庶子李詩右庶子耿南仲為
詹事。宣和元年三月四日皇太子奏本府舊有舍人

二員僕述章表文字今來久闕欲乞特差官二員兼

上俾職事兼本府舍人自來止是五日一次到府若差

見在職事官即於本職亦不廢事詔差秘書監王易簡

秘書少監曾懋並兼太子舍人。七月十八日皇太子奏

本府講讀官李詩耿南仲在府五年除講過論語外今

講讀過御解道德經并孟子及嘉言善行一千六百二

十七事裨益實多未曾陳乞推恩李詩耿南仲並係待

制乞自宸衷指揮詔並除直學士。九月二十八日以國

子司業程振兼太子舍人。六年十二月一日皇太子

原注以上條
國朝會要
中興會要
無門
寄業餘輯

奏昨奉旨令本府學官李詩狀南仲讀前漢書今已畢
欲接續讀後漢書從之。政和五年四月二十四日東
宮官罷讀史指押檢未獲。欽宗靖康元年五月二日
秘書省著作佐郎晁說之為秘書少監兼太子左諭德
同日詔資政殿大學士中大夫提舉龍德宮王易簡為
係東宮講讀官其請給人從恩數並依簽書樞密院例
六月二十九日以秘書少監兼太子左諭德晁說之為
中書舍人兼太子詹事國子司業黎確兼太子左諭德
侯栖筠兼太子右諭德。九月十六日以尚書工部侍郎
何昌言兼太子詹事。考宗乾道元年八月九日詔皇
子愔立為太子其宮室官屬儀物制度並令有司討

有左右坊一
凡卷內以左
與卷六千二百
二十三者皆是
今并大典
卷三百三十九
又卷六千一
二百三十三

論典禮以開十日詔中書舍人蔣芾起居郎魏杞並

兼太子詹事九朝六日詔宗正少卿邵知柔兼太子左

庶子兼太子侍讀尚書禮部員外郎汪大猷兼太子左

諭德兼太子侍讀七日詔太子詹事每過東宮講讀日

並往陪侍九日皇太子言得旨邵知柔兼太子左庶子

兼太子侍讀汪大猷兼太子諭德兼太子侍講者伏念

臣冒處儲闈方資學術雖聖恩隆厚筆新宮室之名而

位號尊崇幾僭經筵之秩仰冀宸衷之洞照俾仍王邸

之舊稱庶穆公言亦安私義所有侍讀侍講官名乞賜

改正詔東宮講讀官稱自有故事所請不允二年正月

二十九日詔給事中魏杞兼太子詹事三月二十一日

軍執進呈東宮講讀官已講孟子徹章請別講書目上

曰可令講尚書治國之道莫先於此君臣更相警戒講

孟子徹章官屬乞行推賞上曰可依王府禮例記得兵

士輩只是搗設汪徹等奏曰官屬減勘二年兵士搗設

只是王府例東宮乞別立賞格上曰令具數人將量與

賞五月十五日詔中書舍人兼太子詹事辛月二十一日

詔秘書少監兼太子左諭德汪大猷兼太子侍講。

七年二月八日詔皇第三子惇立為皇太子其官屬儀

物制度並令有司討論典禮以聞。二十一日皇太子府

言本府受官一員主管左右春坊事二員同主管左

右春坊事二員等旨就改差外其元差指使宅寮司客

司祿笏書表司書直省官親事華官入內院子守闕
入內院子教駿厨子翰林司儀鸞司兵級亦乞就行改
差祇應從之。三月八日詔敷文閣直學士王十朋敷文

閣待制陳良翰並除太子詹事秘書省著作佐郎劉焯

除國子司業兼太子侍讀_是是二月十三日宰執進呈

上曰劉焯兼侍讀李彥穎却兼侍講可也允文奏曰李

彥穎既兼左諭德以侍講無人并令兼之上曰侍講可

別選人允代因奏曰劉焯久在館閣以拘資格除郎不

行乞稍遷擢以重官僚之選上曰郎官外更有何官可

遷允文奏曰國子司業見闕緣隆興指揮不許與祭酒

並除上曰司業乃祭酒之貳並置何妨可特除國子司

業十三日詔監察御史劉季裴除將作監兼太子侍講
十八日詔起居郎莫濟兼太子左庶子起居舍人李彥
穎兼太子左諭德四月九日詔太子詹事庶子諭德除
假日外並輪日入宮依時出仍隨日供故事上謂宰
曰太子詹事既無職事可輪日入宮依時出梁克家奏
曰除講讀官外庶子諭德亦無事上曰與詹事通輪可
克家不奏莫濟今欲輪日供故事以便皇太子觀覽上
曰甚善十三日禮部太常寺言討論東宮問講并節朔
賀慶謝辭禮儀下項一宮僚講讀無已行故事當依做
講筵火燄其禮每遇講讀詹事以下至講讀官上堂並
用賓禮參見依官職序坐皇太子正席講讀官迭起如

延英儀講前復位一節朔典故有東宮受賀儀承唐舊制難以引用契勘所朝每遇元正冬至等節並不受朝止是宰臣以下拜表稱賀其朔望日多是得旨特免朝參今來東宮節朔且做所朝禮例不受宮僚參賀或元正冬至日詹事以下奠賀一謝辭初如常見之禮後離位致詞復位拜就座茶湯罷退一詹事初上參見皇太子拜皇太子答拜庶子等初上參見皇太子受拜庶子諭德及講讀官雖有坐受之禮止是五禮新儀所載兼日遂致拜之禮近例皆已不行或過合致拜日更乞參酌天禧至道年事施行按天禧二年九月五日左庶子張士遜等言臣等日詣資善堂參見皇太子猶令升階

例拜然後跪受望令皇太子坐受參見詔不許至道元年皇太子每見太子賓客必先拜迎送常降階及門並從孝八年正月十一日詔敕文閣學士周操試太子詹事二月三日詔給事中胡沂兼太子詹事三月一日太子詹事周操言皇太子講尚書終篇所有接續合講經書詔講周易十四日詔禮部侍郎李彥穎兼太子左庶子四月六日詔皇太子講尚書終篇詹事諭德侍讀侍講承受官左右春坊各與轉一官醫官指使宅祭司等各減三年磨勘年限不同人依四年法比折未有名目之人候有名目日收使御前忠佐親事官輦官兵級等依例擣訖一次仍各遞增一十貫文支給五月七日詔

三月三日詔
太常少卿
王淮兼太
子左庶子
乾道會要
大典卷六十
二百三十三
添禮記下

起居舍人劉季襄兼太子左諭德國子司業林光朝兼
太子侍讀將作監陳騏兼太子侍講。九年正月二十
三日詔起居舍人留正兼太子右諭德閏正月二十五
日太子詹事李彥穎言臣竊窺皇太子天資簡淡無他
嗜好進德修業固宜及時今宮僚粗備每遇上堂除講
讀官外餘宮不過陪侍坐席須臾而退乞以庶子或諭
德一員兼講春秋二禮令添講一經詔令庶子諭德輪
講禮記六月十四日詔祕書少監陳騏兼太子左諭德
祕書省著作郎蕭國梁兼太子侍講著作郎尤柔兼太
子侍讀。八月五日敷文閣學士左朝散大夫提舉江州
太平興國宮周操內殿朝辭進對上曰皇太子方賴卿

輔導甚恪。卿去二十七日，詔吏部尚書李彥穎除太子詹事。九月十一日，中書門下省言得旨，令庶子諭德論講禮記。今來庶子見闕，詔令太子侍讀兼侍講。八年九月二十七日，詔樞吏部尚書胡沂兼太子詹事尚書禮部侍郎兼太子左庶子兼侍講李彥穎除太子詹事。十月二十八日，詔國子司業戴幾先兼太子左庶子起居郎趙祥中兼太子左諭德。起居舍人趙師訓兼太子侍講。十一月二十四日，詔起居郎劉季裴兼太子左庶子起居舍人留正兼太子左諭德。秘書少監陳騷兼太子侍講。十二月十七日，詔中書舍人王淮兼太子詹事。起居宋延祖兼太子侍讀。軍器監蒲燧兼太子左諭德。

器少監薛元鼎兼太子侍講淳熙元年七月二十一日
以吏部尚書李彥穎依舊兼太子詹事起居舍人范仲
芑兼太子侍講。十月四日以宗正少卿沈樞兼太子左
庶子。十一月十七日以軍器少監兼太子侍講薛元鼎
改兼太子侍讀秘書省著作郎本待問兼太子侍講先
是以待問兼權太子侍讀既而待問言國朝典故東宮
官僚皆以他官兼領其太子侍讀序位在侍講之上並
視本職高下差今元鼎以軍器少監兼太子侍講待問
以著作郎兼權待讀質之典故班次序位有所未安故
從其請。十二月八日以兵部侍郎沈樞兼太子詹事宗
正少卿程叔達兼太子左庶子。二年正月五日翰林學

士兼太子詹事王淮等言東宮講周易徹章欲接續講
春秋左氏傳從之。三月四日以祕書省著作郎木待問
兼權太子侍讀祕書省著作佐郎鄭僑兼權太子侍講
五日以國子司業蕭燧兼太子左諭德三年三月二十
二日為起居郎
亦。四月二十九日以祕書省著作佐懋恂兼權太子侍
讀。六月四日以樞史部侍郎沈樞兼太子詹事。閏九月
六日以內侍省東頭供奉官楊端友主管左右春坊
。十月十八日以兵部侍郎周必大兼太子詹事。十二月
二十五日除吏部尚書兼翰林學士依舊兼。三年三月
十六日詔東宮見闕侍讀令蕭燧權講春秋。九月二十
一日以國子祭酒林光朝兼太子侍讀刑部員外郎闕

卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

光朝兼左諭德

十二月十二日以吏

部員外郎鄭伯熊兼太子侍讀四年三月十六日以祕

書監陳發兼太子左諭德

九月十二日
左庶子

八月一日以從

義郎閣門舍人應材兼同主管左右春坊九月十二日

以起居郎薛元鼎兼太子左諭德十月二十六日以成

忠郎閣門祇候黃夷行兼同主管左右春坊五年三月

十七日以司農少卿戴幾先兼太子左諭德吏部員外

郎闕蒼壽兼太子侍讀祕書省著作佐郎鄭鑑兼太子

侍講七月二日以祕書省著作郎木待問兼太子侍講

九月三十日以入內侍省東頭供奉官藍介主管左

右春坊六年三月六日以太常少卿戴幾先兼太子左

庶子宗正少卿閻蒼舒兼太子左諭德起居舍人木待
問兼太子侍讀戶部員外郎何耕兼太子侍講二十二
日宰執言皇太子宮講禮記終篇欲接續講周禮上曰
周禮周公致太平之書不可不講四月九日以吏部侍
郎閻蒼舒兼太子左庶子太常少卿戴幾先兼太子右
庶子十一月二十二日以秘書少監施師點兼太子左
諭德七年五月二十日以吏部侍郎兼太子左庶子閻
蒼舒兼太子詹事六月十四日以秘書少監施師點兼
太子右庶子起居郎木待問兼太子左諭德國子司業
何耕兼太子侍讀吏部員外郎趙汝愚兼太子侍講九
月二十日以中書舍人施師點兼太子左庶子八年三

月二十八日以吏部侍郎趙汝愚兼太子右庶子仍講
春秋七月二十五日以武德大夫文州刺史閣門舍人
譙熙載兼同主管左右春坊。九月二十七日以給事中
施師點兼太子詹事。中書舍人木待問兼太子左庶子
。十月十一日皇太子宮講堂狀本宮見講周禮係左右
庶子二員輪講及讀唐鑑所有春秋舊條侍講職事今
見闕官記差起居舍人詹儀之兼。十二月四日以太常
少卿余端禮兼太子侍讀。九年七月二十五日以中大
夫木待問兼太子詹事。八月十四日以中書舍人葛邲
兼太子左庶子。九月七日皇太子宮講堂狀欲讀陸贄
奏議從之。十二月十五日以起居郎詹儀之兼太子左

諭德宗正少御史彌大兼太子侍講。十年二月六日以
中書舍人葛如兼太子詹事吏部侍郎詹儀之兼太子
左庶子。十一年四月除。四月十五日以兵部侍郎余端
禮兼太子詹事秘書少監沈揆兼太子左諭德。將作監
蔣繼周兼太子侍讀。八月十三日詔皇太子宮講堂見
講。周禮外庶子諭德更輪講。尚書十月三日以宗正少
御史彌大兼太子侍讀。吏部尚書尤袤兼太子侍講。十
一年四月二十四日以武功郎閣門舍人皇太子宮兼
同主管左右春坊譙熙載再任。十一月二十二日以武
德郎閣門舍人姜特立充皇太子宮左右春坊。十二月
二十五日以中書舍人史彌大兼太子左庶子。十二年

正月四日以轉歸吏部使臣賈惟清特取充入內省職
名充皇太子宮主管左右春坊事二十日以右司郎中
尤袤兼太子侍講二十五日皇太子宮講堂狀照會皇
太子。上堂周禮今已終篇六經並已講畢。目今諭德再
講尚書。今來侍講合講。是何經書。詔令講毛詩。二月四
日以權禮部侍郎史彌大兼太子左庶子兼太子侍讀
。五月十二日以吏部侍郎余端禮兼太子詹事。八月八
日以尚書吏部郎中楊萬里兼太子侍讀。三年五月
二十七日皇太子宮講堂狀皇太子讀陸贄奏議終篇
詔令讀三朝實訓十四年五月二日詔武功大夫文州
刺史閣門舍人皇太子宮兼同主管左右春坊事譙熙

載候今任滿日特令再任。二十五日以中書門下省檢
正諸房公事。尤袤兼太子左諭德。尚書禮部員外郎鄭
僑兼太子侍講。十五年四月二十五日以起居郎胡晉
臣兼太子左諭德。起居舍人鄭僑兼太子侍讀。戶部員
外羅點兼太子侍講。五月十八日以内侍張彥臣罷聽
喚上名與散。祇候特充差。皇太子宫主管左右春坊事。
七月三日以宗正少卿吳博古兼太子左諭德。十月十
九日以中書舍人鄭僑兼太子左庶子。

張方平太子太保 宣徽使

卷一百一十五頁上

添在徽宗
條上

元祐六年七月六日三省言張方平元係宣徽南院使
檢校太傅太子少師致仕元豐官制行廢宣徽使元祐
三年復制儀品恩數如舊詔太子太保致仕張方平依
前太子太保充宣徽南院使致仕 於是中書舍人韓
川言臣聞宣徽使之名祖宗以寵勳臣班資恩數與見
任執政均與樞密副使同知樞密院尤切相等而皆未
嘗令帶以致仕且文武異列不合混并宣徽使武官也
太子太保文官也豈可使官號混轂合從改正詔依前
旨行下其後方平辭免從之

此條原粘
在本卷第
二十四頁

條上
在十月

此條原粘
在本卷第
二十七前
半頁

八月二十三日詔太常少卿兼太子左庶子任文薦兼太子侍講
會要大典卷六千一百三十三寄案
大典卷七千六百八十四作侍讀

九月十一日太常少卿兼太子左庶子任文薦太子侍讀任文薦進對
上曰卿志成輔導東宮不必專於講讀當討論時事使聞警

聰明 同上同上

全唐文

宋會要

親王諸官司

親王諸官司總諸王宮出納之事以諸司使兼充使闕
則置都大管勾及都監之名皆內臣充

管勾北宅所

在宣德西道北大中祥符七年置都大管勾南宮北宅所景祐三年七月徙南宮吳王院屬睦親宅後止名管勾北宅所以諸司使副二人管勾

大梁卷一百一十五

宋會要宮教 附諸王府官

至道元年以孫疇充皇姓皇孫教授從新號也時中書言唐太宗朝李石
奏太子有侍讀諸王亦有無怪殺今皇姓皇孫官是環衛請以教授為名
此蓋王宮教授設官之初也宋百官志以皇姓皇孫官是環衛請以教授為名
殿殿二員授其

宋會要 諸王宮教授

天聖三年上曰教授非止講經宜選履行端懿者七月以張維翰為允
宅教授四年四月北宅教授王式為諸王府侍講十二月為程為北宅教
授大興卷一萬九千二百一

四年以
並大字

孝宗乾道五年十月二十六日詔司農少卿李浩兼皇
子恭王府直講 大興志七千六百九十一

王友傳講

大觀二年定王嘉王府侍講沈錫奏真宗皇帝時以張士旦
為王友命王答拜以示賓禮今侍讀輔弼之言職在列傳
亦王之友傳也可知王友例令王答拜 後宋會要大興志七千六百

此條下接
孝宗乾
道條

乾道會要

孝宗乾道

元年

三月三日

詔宗正少卿魏杞兼皇子鄧

王府贊讀

大興卷七十六百十七 九月六日

詔宗正少卿邵知柔兼太子左

庶子兼太子侍讀

二年六月十五日詔宗正少卿胡

沂兼皇子慶王府贊讀

同上

九月一條

在嘉官官

內生雜入

刪去

八

二年二月十七日詔皇太子宮講周易終篇詹事庶子
諭德侍讀侍講承受官左右春坊特與轉一官及指使
使臣客司表書司楷書直省官諸色人兵級講堂使臣

雜錄。淳熙

主管書寫文字供檢奏報文字等祇應有勞各得與轉
一官資餘人依昨來終篇指揮施行。六月二十四日詔
皇太子宮差破親事革官黃阜院子諸色人兵級等
已降指揮祇應及七年與轉一資其已轉資依舊在宮
祇應人每遇再及七年並特與一資今後準此。十二月
二日詔皇太子宮官吏特減作五年轉一官既而以主
管左右春坊事張可宗等言本宮官吏年勞酬賞見依
親王下指揮六年特轉一官今來皇太子宮比親王府
事體不同乞特與減年轉官故有是詔四年十月四日
詔皇太子宮見差破容司等於內更與改差三人作使
臣名色特添破本等券放行批勘遇有闕從本官差取

陞改六年四月二十四日詔皇太子宫講禮記終篇詹
事庶子諭^文德侍讀侍講及曾任講讀官並承受官左右
春坊指揮使臣客司書表司楷書直省官供檢奏報講
堂使臣書寫文字諸色人兵級等各轉一官^官六月二
十二日詔皇太子宫醫官該遇今來禮記終篇轉官並
特與不滿磨勘九年六月二十四日詔皇太子讀唐鑑
終篇本官官吏諸色人各與減二年磨勘十年七月十
九日詔皇太子宫主管左右春坊係是選授今吏部特
依在內差遣闕陞施行十二年正月二十九日詔皇太
子宫講周禮終篇依昨講春秋終篇官各特轉一官
資內礙止法人依條回授白身人候有名日特作轉

官資收使十三年五月十四日詔皇太子讀陸贄奏議
終篇詹事諭德侍讀侍講左右春坊及指使使臣等各
持轉一官資內礙止法人依條回授白身人候有召目
日持作轉官資收使皇太子宮小學海熙七年正月二
十六日大理正王尚之言乞選儒臣為東宮小學教授
上曰王尚之議論及此甚不易得可討論典故遴選一
儒臣充之趙雄等言尚之小臣建明此事可見清明之
朝下情必達於是詔以秘書省正字楊輔兼皇太子宮
小學教授既而宰執進呈皇太子宮小學教授典故上
曰宜精擇堪任此官者趙雄等言輔醜籍儒雅操守甚
正遂命輔為之。四月十五日詔武經大夫成州團練使

右領軍衛將軍皇太子宮兼同主管左右春坊陳龜年
以伴讀皇孫英國公孝經論語終篇特與選部上轉行
一官。八年七月二十七日秘書省校書郎兼皇太子宮
小學教授楊輔言竊見本宮講堂書寫文字陳茂實等
並理五年補授進武副尉今乞將小學差置手分楷書
各一名通理七年補授仍乞將手分改充主管文字楷
書充書寫文字從之。二十八日詔秘書省校書郎劉光
祖兼皇太子宮小學教授。楊輔言差知眉州十年正月二
十七日詔皇孫英國公聽讀孟子尚書兩經終篇小學
教授劉光祖特與轉一官供檢主管書寫文字張師賢
蔣巨卿張克家各減三年磨勘引接等祇應時椿年劉

子訓蔣華于忠輔傳昌言醫官姜杲各減二年磨勘諸
色祇應等二十六人並特支犒賞一次。五月三日詔增
置小學教授一員以秘書省著作郎何澹校書郎鄭錡
同兼既而以宰執進呈皇太子宮小學闕員上曰國公
已長正要得人訓導可增置一員遂以澹等為之。十一
年三月二十三日皇太子宮小學教授言皇孫英國公
聽讀毛終篇詩今欲接續聽讀周易從之教授何澹鄭錡
各轉一官。十二年正月二十日以秘書省校書郎羅點
兼皇太子宮小學教授鄭錡論罪故以點為之。三月一日皇太子
宮小學言皇孫英國公聽讀周易終篇接續聽讀禮記
從之詔教授何澹羅點各特轉一官春坊庶熙載姜特

立各減三年磨勘供檢主管書寫文字三人並各減三
年磨勘指使二人書表客司祀筭使臣祇應七人各減
二年磨勘年限不同人依四年法比折未有名日人候
有名日日收使諸色祇應人並特支犒設一次。四月二
十四日以祕書省著作郎何澹祕書郎羅點並兼皇孫
平陽郡王府教授十一月十一日詔皇孫平陽郡王講
授論語終篇教授何澹羅點各轉一官點十二月為浙
西提舉十四
年三月除國
子司業免兼十三年正月九日以祕書省著作郎高美
兼平陽郡王府教授美十四年
致仕十四年三月二日以祕
書郎莫叔光鄧駟兼皇孫平陽郡王府教授七月三日
皇孫平陽郡王府教授莫叔光鄧駟辭免講授子終

篇各特轉一官照依所乞各減三年磨勘十五年十月十六日詔皇孫平陽郡王聽讀禮記終篇教授莫叔光鄒相各特轉一官譙熙載姜特立蓋師古譙令雍張師賢蔣巨卿張克家各減三年磨勘高鈞吳端馮涇王良傳昌祖董致中成元顯李松孫昌祖高琦姜文用孫昌嗣姚思正王世昌周昭各減二年磨勘年限不同人依四年法比折未有名目人候有名目日收使諸色祇應人並^時支犒設一次淳熙十六年二月七日詔東宮官吏諸色人軍兵等且依舊仍與接續放行諸般請給限一月結局取旨二十七日詔隨龍講官承受官可各轉四官曾任東宮講堂官各轉兩官四月十五日吏部言

曾任東宮講堂官得旨各轉兩官其間有見任宰執及
礙止法人伏乞朝廷指揮詔見任宰執并礙止法人並
許回授又言今來承降指揮即不該載贊讀直講并合
取自指揮照依東宮講堂官例各轉兩官礙止法人依
條回授開禧三年十一月禮部尚書史彌遠兼太子詹
事吏部侍郎趙彥極兼太子左庶子國子祭酒戴溪兼
太子侍讀既而彥極十二月以給事中兼詹事溪嘉定
元年正月陞兼太子右諭德五月以兵部侍郎兼右庶
子八月陞左庶子三年正月除詹事十二月起居郎陳
希點兼太子侍講吏部侍郎姜機兼太子左庶子起居
舍人鄒應龍兼太子左諭德既而希點嘉定元年三月

機

陞兼侍讀六月陞兼左諭德機嘉定元年正月陞詹事
應龍嘉定元年三月陞兼左庶子八月陞兼詹事嘉定
元年三月尚左郎中徐邦憲兼太子侍講六月陞兼侍
讀閏四月吏部郎官王介兼太子舍人六月以國子司
業兼侍講三年二月以宗正少卿兼右諭德六月刑部
侍郎曾喚兼太子詹事八月二十二日觀文殿學士提
舉萬壽觀趙彥適言乞令東宮講讀官每日講讀之餘
將古今歷代帝王治亂事迹編成一書分十門一日畏
天二曰愛民三曰法祖宗四曰聖孝五曰用賢能六曰
遠小人七曰勤儉八曰聽言九曰明賞罰十曰謹邊防
實以歷代已行之事擇其下以東宮規鑑為名從之八

月工部侍郎汪逵兼太子右庶子起居舍人曾從龍兼
太子右諭德。四年四月以權吏部尚書兼詹事。從龍
三年正月以禮部侍郎兼左諭德。五年十月以刑部尚
書兼右庶子。七年七月以禮部尚書兼詹事。二年正月祕
閣校理留人剛兼太子舍人。三年陞三年五月祕書省
著作佐郎孫強恕兼太子侍講。四年六月陞兼侍講。四
年正月宗正寺丞任希夷兼太子舍人。六月以祕書丞
兼侍講。七年以中書舍人兼右諭德。九年十二月以工
部尚書兼左庶子。十年十一月陞兼詹事。六月祕書少
監陳武兼太子右諭德。八月二十九日皇太子受冊。了
畢本宮官吏諸色人軍兵等各與一官資礙止法人持

與轉行內白身補進武副尉理為年勞出職或願轉一
官資收使者聽。六年五月權刑部侍郎劉燾兼太子左
諭德八年二月以權工部尚書兼右庶子依舊左諭德
七年八月起居郎李皇兼太子侍講九月權兵部尚書
黃疇若兼太子右庶子十二月以兵部尚書兼左庶子
九年十二月陞兼詹事八年六月宗正少卿莊夏兼太
子侍講九年二月陞兼侍讀十二月陞兼右諭德十年
十一月陞兼左庶子左諭德七月禮部尚書范之柔權
工部尚書劉渠並兼太子詹事九年二月將作監何刻
兼太子侍講十二年九月以權刑部侍郎兼右諭德十
二月祕書少監權中書舍人黃宣兼太子侍讀十年十

一月以中書舍人兼右諭德十二年二月以工部侍郎
兼右庶子十年三月權兵部尚書祭幼學兼太子詹事
子一月起居舍人宣緒兼太子侍讀十二年九月以權
吏部侍郎兼左諭德十三年三月陞兼右庶子依舊左
諭德十二年九月權禮部侍郎楊汝明兼太子侍讀司
封郎中高文善兼太子舍人汝明十三年三月陞兼右
諭德十三年正月祕書監崔與之兼太子侍讀三月刑
部尚書徐應龍兼太子詹事